

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

03 Novembre 2017

(13 Safar 1439 AH)

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor « *Le Livre Parfait (Partie 2)* »:

○ ذَلِكَ الْكِتَابُ لَا رَيْبَ فِيهِ هُدًى لِّلْمُتَّقِينَ

○ الَّذِينَ يُؤْمِنُونَ بِالْغَيْبِ وَيُقِيمُونَ الصَّلَاةَ وَمِمَّا رَزَقْنَاهُمْ يُنْفِقُونَ

○ وَالَّذِينَ يُؤْمِنُونَ بِمَا أُنزِلَ إِلَيْكَ وَمَا أُنزِلَ مِن قَبْلِكَ وَبِالْآخِرَةِ هُمْ يُوقِنُونَ

3. Zaalikal Kitaabu laa rayba feeh. Hudal-lil-Muttaqiin;

4. Allaziina yu'minuuna bil-Ghaybi wa yuqiimuunas Salaata wa mimma razaqnaahum yunfiquun;

5. Wallaziina yu'minuuna bi-maaa 'unzila 'ilayka wa maaa 'unzila min-qablik, wa bil-'Aakhirati hum yuuqinuun.

3. Sa c'est le Livre dans laquelle péna aucaine doute; li ene guide pou bane qui oulé suive chemin droite,
4. Bane qui accepter ki bane chose invisible existé, qui pratique Salat (Namaz) et qui dépense en Zakat ene partie de ce qui Nous (Allah) fine donne zot,
5. Et qui accepter message qui fine descende lor toi et aussi bane messages qui ti envoyer avant toi, et qui accepter avec l'assurance séki pou vini après. (Al-Baqara 2: 3-5).

Par la grâce d'Allah, Allah (swt) fine donne moi sa *Tawfeeq* là pour mo contigner 2^{ème} partie de sa Khutba ki mo fine commencer la semaine passé là (Vendredi passé) kot li très nécessaire ki bane *Mumineen* (croyants) faire bane voyages du Quran Shariff tous les jours. Quran dire ki pour sa voyage là, bizin ena toute sorte de provision.

Provision ki fine mentionner c'est le *Taqwa*, la crainte d'Allah. Et c'est sa même provision ki bizin pour gagne le Quran aussi. *Taqwa* et Quran c'est bane zaffaires ki concerne le voyage de tous les jours. C'est pas bane zaffaires ki ou pour gagner si juste ene fois par an ki ou pour faire sa voyage là.

Tous les jours ou bizin le Quran et tous les jours avec le support de *Taqwa* comme provision ou pou bizin gagne quelque chose avec le Quran. Sa c'est bane zaffaires fondamentale. Et pour sa li pas nécessairement ena l'organisation de bane programmes. Certainement bane programmes, créer l'intérêt là tout le long de l'année, mais c'est l'intérêt de bane mama, papa ki nécessaire. Premier, mama, papa bizin intéresser pour zot propre être. À n'importe quel âge ki zot été, zot bizin déterminer ki nous bizin commence le voyage vers Allah. Et sa voyage là li pas possible sans le Quran. Et pour voyage de Quran, nous bizin ena provision. Pareil couma kan dimounes voyager, zot prend provision avec zot. Et ici le provision ki bizin pour sa voyage là, c'est le *Taqwa*.

Allah (swt) pé dire ki péna aucaine doute ki sa c'est ene livre parfait dans laquelle péna aucaine doute. Mais là-dans aussi péna aucaine doute ki li ene guide ki pour bane pieux. Bane ki ena *Taqwa* pour certainement gagne guide avec le Quran. Donc, fine lier le *Taqwa* ensemble avec le Quran. Parfois bane dimounes lire le Quran pendant des années, mais zot lire couma des perroquets sans comprend nannié séki zot pé lire, lirlà même ou étonner, ou dire ene dimoune ki lire le

Quran ki capave azir coumsa? - Refuse répondre ou *Salaam*, faire casse relation familiale, mette boycotte, créer la haine dans les cœurs de bane dimounes, refuse et tourne les dos avec bane signes d'Allah, mette bane accusations gratuites contre ene serviteur d'Allah, faire complots pour faire les autres du tort, faire *Ribat* (médisance/ palabre), mange la chair de zot frère avec l'appétit, insulter bane ki pli petit ou pli bas ki ou, et ou montrer soi-disant ou pli supérieur avec tous ou l'arrogance; faire la jalousie filtré dans ou disang, marché couma dire près pour fende la terre, pousse l'estomac divant couma ene vantard, critique les autres, vey zaffaires dimounes, faire travailleurs misère, dominère, la guerre, disputé pour nannié ditout kot sa fini par grand bagarre, lève la main lors séki pli grand ki ou ou sois pli petit ki ou. Mette bane l'habillement non-Islamique ki pas *Pardah*, cokain dibien les autres, faire transaction non-Islamique pour gagne l'argent sale, vine zougadère, sonne ou lipié pour attire regard les autres vers ou, péna manière et respect kan causer etc. - Mo capave aller même coumsa séki fine mentionner dans Quran. Et sa c'est ene voyage dans laquelle péna *Taqwa*. Li ene voyage oui, mais ene voyage de déception.

En fait, en connexion avec le Quran, le *Taqwa* rappelle nous ki dans le Quran ena instruction pour nous saper avec certaines choses et de l'autre côté ena mention de bane tel zaffaires ou tel chemin ki fine dire nous bizin adopter. Et signification de base de *Taqwa*, c'est ki ou bizin guetter kot, kot ou bizin protège ou et kot, kot ou capave marcher. En résultat de *Taqwa*, kan ene dimoune réfléchi lors le Quran, bé à ce moment là, Allah aide li pour comprend bane significations là. C'est sa même sujet ki mentionner dans ene l'autre place. Allah dire bane dimounes envoie la main devant pour gagne le Quran. Mais c'est seulement bane ki fine gagne Allah ki capave gagne sa Quran là.

Donc, tous le Jamaat bizin porte attention spécial lors récitation du Quran avec traduction. À moins obligation, mais faudré pas ki péna personne ki pas pé lire le Quran tous les jours avec traduction. Bizin créer sa l'habitude là dans tous bane zenfants. Guette kan bane zenfants là alle l'école, ki quantité zéffore ou bizin faire. Mama là galoupe, galouppé prépare zenfant là so *Nashta* (petit-déjeuner), lave li et prépare li pour l'école. Et pourtant zot faire tous sa zéffore là pour ki zenfant là alle l'école et kot tous zéffore faire pour li pas absent l'école ditout. Ou pé faire tous sa zéffore là pour so l'éducation mondaine et séki malheureux là-dans ou pas pé porte du tout attention lors le Quran ki est le voyage de tous les temps.

Pour construire Masjid, li ene bon zaffaire, mais li nécessaire ki ou créer bane *Namazi* pour sa bane Masjids là. Si ou construire bane Masjids sans ki ou créer bane *Namazi*, bé ki utilité? Zis pour dire, “*nous ena tant Masjids*”, quant même li vide de *Namazi* et li reste fermer tous l’heure Namaz ou sois zis le soir li ouvert pour allume ene la lumière? Masjid bizin ena la lumière spirituel, kot li gaie spirituellement chaque l’heure Namaz. Mais si Masjid péna même *Namazi*, nek li là pour faire bane grands programmes et li pas servi nannié dans la vie de tous les jours, parski bane *Namazi* reste ene très longue distance avec Masjid.

Donc, kot construire ene Masjid, bizin guetter si ena bane *Namazi* reste près et Azaan pé donner, si pas Namaz en congrégation pé faire - Là, sa Masjid là ena so utilité même si li en bois, ou tôle.

Bane Masjids bizin rempli avec bane *Namazi* et lirlà ki beaucoup travail pour capave faire kot pour ena *barakat* (bénédictions) aussi et sa c’est le travail d’Allah. Maintenant si tous bane hommes fine alle travaux, péna hommes dans l’heure Namaz, à ce moment là bane madames bizin alle faire Namaz dans sa bane Masjids là, pour garde li *Abaad* . Li pas défanne pour bane madames alle Masjid. Li pas obligatoire lor zot, oui, parski zot ena bane les autres travaux à faire. Mais beaucoup de fois fine arriver ki dans l’époque de bane la guerres, à l’heure de *Jihad* kan bane hommes pas fine capave faire ene travail, bé fine faire l’appel are bane madames.

Donc, n’importe comment, bizin garde bane Masjids *Abaad*. Si par obligation bane madames bizin alle Masjid pour faire Namaz, à cause péna aucaine hommes, et bien sûre garde Masjid là *Abaad* (prospère, en paix). Mais là-dans bizin ena condition de *Pardah*. Bizin ena le *Pardah* dans Masjid pour bane madames. Par la grâce d’Allah dans nous Masjid, ena bane séparation pour madames. Si jamais ena kit étrangers (*ghayr*) ki rentré, bé bane madames pour toujours dans *Pardah*.

Donc, porte attention à sa l’instruction de Quran là. Et pour comprend le Quran, le *Taqwa* li nécessaire. Sans le *Taqwa* ou pas pour capave atteindre objectif de Quran et *Taqwa* ena grand connexion avec le Masjid. Tellement ena profond connexion ki sans le Masjid ene dimoune pas capave gagne le *Taqwa* et de l’autre côté, sans bane *Muttaquun* (bane ki *Muttaqi* - ki pieux, ki ena la crainte d’Allah),

bane Masjids péna aucaine beauté. Quran fine explique sa sujet là bien clairement kan li fine dire ki kan ou alle Masjid, bé alle avec ou beauté, c'est-à-dire, le *Taqwa*. Si ou aller sans le *Taqwa*, pé fumé pé alle Masjid, pé zoure ou camarade, pé faire *Ribat* les autres, vey zaffaire dimounes, jouer les courses etc., à ce moment là Masjid pour vide de *Namazi*. Si ou rentre dans Masjid ou pense ou business, couma pour gagne l'argent, même dans Namaz ou concentration pas pour alle lors Allah, pour alle lors sa bane zaffaires mondaines là, et alors devant lizié d'Allah, Masjid là li vide.

Donc, faire séki Quran fine dire ou kan ou alle Masjid, alle avec ou beauté, alle avec le *Taqwa* et faire le *Zikrullah* beaucoup. *Insha-Allah*, c'est avec beauté de *Taqwa* ki ou pou gagne parfum du paradis lors sa la terre là même, *Insha-Allah*.

Faute de temps, mo arrête là-même et *Insha-Allah* mo continuer la semaine prochaine.